

# Swipp Erhverv atorlugu katersuiniarnerni atuinissamut malerugassat

## 1 Atuisunngornermi malerugassat

Malerugassat uku kattuffinnut Swipp atorlugu politiit akuerisaannik, aningaasanik katersuiniarniartunut atuupput.

Swipp akiliinermut atugassiaavoq, Qallunaat Nunaanni aningaaseriviit atuisuminnut inuinnarnut, kattuffinnullu pisortatigoortumik akuerisaasunik katersuiniartunut, aningaasanik tigooraaffissatut neqeroorutaat.

Swipp pillugu annertunerusumik paasisaqarusuttut GrønlandsBANKENip nittartagaa allakkarsinnaavaat [www.banken.gl](http://www.banken.gl).

## 2 Attavilerneq

GrønlandsBANKEN taannaavoq Swipp atorlugu katersuiniarnerni aningaasanik tiguisinnaanissamut akuersisartoq. Tiguisinnaanissamut qinnuteqaat immersorneqassaaq: *Swipp Erhverv atorlugu katersuiniartutut nalunaarsugaanissamut qinnuteqaat*, tassanilu katersuiniarnissamut aalajangersimasumut atatillugu, attavilersinnissamut immikkut isumaqatigiissutit allaqqapput. Nalunaarluni immersugassaq kattuffimmiit inunnit atsiorsinnaatitaasunit atsiorneqassaaq.

## 3 Kode sisamanik kisitsisitalik

Katersuiniarnermi Swipp-imut attavilersinnermut atatillugu, kattuffik kode-mik sisamanik kisitsisitalimmik toqqaassaaq, taannalu katersuiniarnermi atorneqassaaq.

Swipp-imik atuinissamut kode sisamanik akuerisanik kisitsisitalik, piffisami aaliangersimasumi atorneqarsinnaasunngorlugu tunniunneqassaaq, immikkut katersuiniarnermut tassungarpiaq, piffissap isumaqatigiissutigineqartup aalajangersimasup iluani atorneqassaaq, kattuffiullu GrønlandsBANKEN-imi kontoanut tiguisussamut atalluni. Kattuffik pisinnaatitaavoq kode sisamanik kisitsisitalik katersuiniarnermut pineqartumut nittarsaassinnermini atussallugu.

Kattuffik Swipp-imik atuilluni ataatsikkut arlalinnik kisitsisinik kode-uteqarsinnaavoq, kode-li ataaseq katersuiniarnermut ataatsimut aalajangersimasumut tunngasuussaaq.

Piffissaq isumaqatigiissutaasimasoq naappat, kode sisamanik kisitsisitalik atorunnaassaaq, taamaalillunilu kattuffinnit allanit Swipp Erhverv atorlugu katersuiniarniartunit atorneqarsinnaa-nani.

Piffissap isumaqatigiissutaasimasoq nomuliussaq akuerisaasoq atorlugu sivitsorniaraanni, taava Swipp aqqutigalugu katersuiniarnermut nutaamik immersueqqittoqassaaq.

## 4 Taaguut

Suliniaqatigiiffik Swipp atorlugu katersuiniarnissamut nalunaaruni, katersuiniarneq pineqartoq taaguusissavaa. Taaguut taannaassaaq, Swipp-imik atuisut katersuiniarnermullu tuniserusuttut, kode

sisamanik kisitsisitalik katersuiniarnermi atugassatut innersuussaq toortareerunikku, ilisimatitsissutigineqartussaq.

## **5. Swipp-logo-mik atuineq**

Kattuffik katersuiniarniaruni pisussaavoq Swipp-logo (ilisarnaat) atussallugu. Swipp-logo (ilisarnaat atialu) isikkua logoguidelines-iniittoq mallillugu atussavat. Logoguidelines aamma logografik swipp.dk.-mi takuneqarsinnaapput.

Katersuiniarnerup uninnerani kattuffiup ulloq taanna isumaqatigiissutip atorunnaarfiani, logo, allagartalersuineq, internetikkut imaluunniit tusagassiutitigut ussassaarineq allatigulluunniit nittarsaaneq unitsissavaa.

## **6 Paasissutissanik atuineq, paaqqutarinninneq, ingerlatitseqqinnerlu**

Aningaaseriviit, Bankernes EDB Central - BEC – taannaavoq aningaaserivinnut Swipp-imik atuinissamik neqeroortoq, Taannallunilu katersuiniarnermut aalajangersimasunut atatillugu paasissutissanik tigooraallunilu, toqqortuisuusooq.

Inatsisit atuuttut malillugit paasissutissat ingerlateqqinneqarlutillu toqqorneqartarput.

## **7 GrønlandsBANKENip akisussaaffia**

GrønlandsBANKEN taarsiisussaataavoq kukkunerit imaluunniit sumiginnaanerit peqquutigalugit pisussaaffiit isumaqatigiissutaasimasut kingusinaartumik imaluunniit amigaateqartumik isumagisimagunigit. Pineqartuni allaat sakkortunerusumik akisussaatsinermik nassaqarfiusuni GrønlandsBANKEN annaasanut akisussaangilaq, makkuningga peqquteqarpata:

1. it-kkut atortorissaarutininik ajutoornerni/atuisinnaannginnermi imaluunniit systemini pineqartuni qarasaasiakkut paasissutissat ajoqusersimappata, qanorluunniit GrønlandsBANKEN nammineq imaluunniit avataanit pilersuisooq systeminik ingerlatsisuugaluarpata, aammalu ataani taaneqartunik aallaaveqaralarpata.
2. GrønlandsBANKEN-ip innaallagissamik pilersorneqarnerani imaluunniit nalunaarasuartaaserinnermi attaveqaatinik ajutoornerit, inatsisitigut akuliuffigitinnerit imaluunniit ingerlatsinnermi inatsisit, pinngortitami ajunaarnersuit, sorsunneq, pikitsitsineq, innuttaasut eqqissiviilliorneri, akornusersuilluni aserorterinerit, pinerliinerit imaluunniit aserorterinerit (tamakkununga ilaallutik qarasaasianik ajoqusiinerit iserfiginninnerillu)
3. suliumajunnaarneq, suliffinnik assersuineq, sulisunik mattussineq imaluunniit mattussinerit, aaqqiagiinnginneq GrønlandsBANKEN-imut namminermut imaluunniit taassuma

aaqqissuunneranut saatsinneqarnersoq apeqqutaatinnagu, kiisalu aaqqiagiinnginnermut peqqutaasoq apeqqutaatinnagu. Tamanna aamma atuuppoq, aaqqiagiinnginneq GrønlandsBANKEN-ip ilaannaanik eqquippat.

4. pissutsit allat GrønlandsBANKEN-ip avataaniittut.

GrønlandsBANKEN-ip akisussaaffeqannginnera ukunani atuutingilaq:

1. pissutsit annaasaqarnermut peqqutaasut isumaqatigiissutit isumaqatigiissutigineqarnerini GrønlandsBANKEN-ip siumut ilisimareersimasariaqaraluarpagit imaluunniit pinngitsoortissinnaasimagaluarpagit imaluunniit annaasaqarnermut peqqutaasut qaangersinnaasimassagaluarpagit
2. inatsimmi qanorluunniit pisoqaraluarpat GrønlandsBANKEN pissutsinut annaasaqarnermut peqqutaasunut akisussaaffilerneqarsimappat.

## **8 Aningaasartuutit**

Swipp atorlugu katersuiniarnernut ataasiakkaanut aningaasartuutit, GrønlandsBANKEN-imut isumaqatigiissutigineqassapput, immersukkamilu uani ersissallutik: "Swipp Erhvervatorlugu katersuiniartutut nalunaarsugaanissamut qinnuteqaat".

## **9 Swipp-imut tunngasunik saaffiginninnerit**

Swipp atorlugu katersuiniartutut nalunaarsorneqarnissamut atatillugu apeqqutit, saaffiginnissutillu alla GrønlandsBANKEN-imut ingerlanneqassapput.

## **10 Maleruagassanik allanngortitsinerit**

Maleruagassanik allanngortitsinerit kattuffimmut iluaqusiinngippata, allanngortitsinissat qaammatit marluk sioqqullugit nalunaarutigineqassapput.

Allanngortitsinerit kattuffinnut iluaqusiissappata siumut kalerreeqqaarnani allannguisoqassaaq.

Allanngortitsinerit pillugit nalunaarutit tusagassiorfitsigut ataavartutigut, kattuffimmi toqqakkap innersuussaaticigut nalunaarutigineqassapput.

## **11 Unitsitsineq/ sumiginnaaneq/taamaatitsineq**

Swipp-imik atuinissamik immersukkami "Swipp Erhverv atorlugu katersuiniartutut nalunaarsugaanissamut qinnuteqaat"-mi piffissaq isumaqatigiissutaasimasoq naappat, attavilerneqarsimaneq nammineq unissaaq.

Kattuffiit katersuiniarnerminni Swipp Erhverv-imik atuiniarlutik isumaqatigiissuteqarsimasut, sutigut tamatigut maleruagassat pineqartut malissallugit pisussaaffigaat, aammalu kattuffiit taamaallaat Swipp katersuiniarnernut pisortatigoortumik akuerisaasunut atorsinnaallugu.

Katersuiniarnissamut akuersissutip atorunnaarsinnera, Swipp aqutigalugu katersuiniarnissamut nalunaarnermi isumaqatigiissummut sumiginnaasimanertut isigineqassaaq, tamatumallu kingunerisaanik GrønlandsBANKEN nalunaaqqaarani atorunnaarsitsisinnaavoq. Tamatumallu kingorna kode sisamanik normutalik kattuffimmit katersuiniarnermi atorneqarsinnaajunnaassaaq.

GrønlandsBANKEN-ip attavilernissamut isumaqatigiissut nalunaaqqaarani taamaatissinnaavaa, katersuiniarluni nalunaarsimasup maleruagassat imaluunniit "Swipp Erhverv atorlugu katersuiniartutut nalunaarsugaanissamik qinnuteqaat"-imi aalajangersakkat, imaluunniit pisut allatut ajornartumik Swipp aqutigalugu katersuiniarnernut nuussinissamik ajornartitsisut pissutigalugit, tassunga ilaallunik inatsisit, imaluunniit pisut allat malittarisassanik allannguinernek aallaavillit.

Swipp atorlugu kisitsisit kode-tut toqqakkat sisamat atorlugit tunissutinik tiguisinnaaneq GrønlandsBANKEN-imit unitsinneqarsinnaavoq minnerpaamik qaammatit 2-it sioqqullugit nalunaarnikkut, tamanna allannguinernek aallaveqarpat, kodelu sisamanik kisitsisitalik atorlugu Swipp-imik atuinissamut neqeroorut ingerlaqqissinnaanngippat.

Kattuffik Swipp-imik atulluni katersuiniarusukkunnaaruni, qanorluunniit isumaqatigiissummi piffissaq naasimannikkaluartoq, siumut nalunaaqqaarani attavilerneqarnini atorunnaarsissinnaavaa. Akiliuteqarnissamut isumaqatigiissut aaqqiivigineqassaaq GrønlandsBANKEN -imut isumaqatigiissuteqarnermi piffissaq sioqqullugu atorunnaarsitsinermut atatillugu maleruagassat malillugit.

## **12 Maleruagassat**

Swipp Erhverv atorlugu katersuiniarnernut maleruagassat atuuttut GrønlandsBANKENip nittartagaaniipput [www.banken.gl](http://www.banken.gl).